

# Bibilia cuna Anapiana

## Anhacupangisa



Nowa na cuzala  
cwacugoswa  
cwa mazi



Anhaculemba: Edward Hughes

Anhacupangisa: Byron Unger; Lazarus  
Alastair Paterson

Anhacusangula: M. Maillot; Tammy S.

Anhcuchinja Mulongero: Sarifo Buramo Cheia

Anhacuphica: Bible for Children  
[www.M1914.org](http://www.M1914.org)

©2020 Bible for Children, Inc.

Lemba apa mulankhulu udhaphatisewe  
basa pacuchinja chithancano ichi.





Nowa acakhala munthu  
wacuza Mulungu. Anthu  
ansene ayipisa pamaso  
paMulungu. Nsicu ibhozi,  
Mulungu alonga chinthu

chinango  
chidhaphesa  
ntima.

"Ine ndinaibhodhola  
zico yacuipa ichi,"

Mulungu  
mpanga Nowa.

"Iwe, ncazaco  
na ana aco basi  
anapulumuswa."



Mulungu alonga na Nowa cuti  
cuzala cwacugoswa cwamazi cuna bwera  
mbucuzaza zico yansene. "Manga mwadhia  
uculu cacamwe, unacuana imwe mwansene  
napinhama pizinji." Nowa apaswa ntemo.  
Mulungu apasa Nowa machitiro amwadhia  
acucwana cacamwe.

Nowa atoma  
bhasa!





Anthu azinji acaseca  
Nowa napicalonga iye  
na cuzala cua mazi na  
cumanga mwadhia.

Nowa  
ayende

cusogolo  
mbamanga  
mwadhia  
nacupanga anthu  
na pya Mulungu. Ne  
munthu mbhoziene  
adhanvesera Nowa.



Nowa acakhala nacutenda  
cuculu. Iye atawira  
muntima mwache cuna  
Mulungu, mulungu mbasati  
avumba tayu. Panthawi  
izinji tayu mwadhia  
wamala sasanhwa cuti  
ucwate pinthu.




Natenepa, pinhama piabwera. Mulungu abweresa mitundu inango minomwe. Miwiri ya inangombo. Mitundu yansene ya mbalame, pinhama piaculapha na piacuvira piagumana njira zaho za cwenda mbipipita

piokha  
mumwadhia.



Panango anthu acaticana  
Nowa pacacwata iye pinhama.  
Iwo anthu adhaleca tayu  
cuyipisa pana Mulungu.  
Iwo adhapidhiri  
tayu cuti apite  
mumwadhia.



Pacumalisa, pinhama na mbalame  
zansene zapitiswa mumwadhia.




"Bwera, pita  
mumwadhia"

Mulungu  
achemera  
Nowa. "Iwe,  
nkazaco na  
ana aco." Nowa,

nkazache, anache atatu na  
acwenhache apita mumwadhia.  
Buluca pepo, Mulungu  
afunga nsuwo wa mwadhia!





Natenepa mulungu  
avumba. Mulungu avumba  
piculupene pa nsicu  
macumi manai, masicu na  
masicati, mazi azaza zico  
yansene yapansi.





Mazi  
azaza  
mathaundi na mizi  
yansene. Mulungu padalimira  
iye, namapiriyyene acadamala  
cubhizwa na mazi. Pinthu piansene  
pinapuma piama la cufa na mazi.



A cartoon illustration showing a lion with a yellow mane and a zebra with black and white stripes looking out from behind a window. The window frame is brown, and the glass shows white diagonal rain streaks against a dark gray background.

Nacuzala cwamazi,  
mwadhia ucakhaliratu  
pazulu pamazi. Panango  
nkati mwamwadhia  
mucakhala nachidhima,  
chacugopesa. Mbwenhe  
mwadhia wapulumusa  
Nowa nacufa nacuzala  
cwamazi.





Pacumala cwa mezi michanu yacuzala  
cwamazi, Mulungu atuma mphepo  
yacuumisa mazi acuzala. Na nzizi  
wacuchepa mwadhia wafica pacupuma  
pazulu paphiri Ararat. Nowa akhala  
nkati mwamwadhia nsicu  
macumi manai  
cudhikhira

cupwerera  
cwamazi.

Nowa atuma khungubwe na nkhangaiwa cwenda cunja cwa mwadhia. Nkhangaiwa yabwerera cuna Nowa pidhakhonda iye cuona mbuto yacuumma na yacuchena pansi pazico cuti ipume.





Pacumala nsicu zinomwe,  
Nowa adhalesera pina.  
Nkhangaiwa yabwerera  
cuna Nowa na samba itswa  
pamulomo pache. Pansicu  
zinango zinomwe zacutowera  
Nowa aziwa cuti mazi  
apwa, zico yapansi  
yauma.



Mulungu avunza Nowa cuti yacwana  
nthawi yacubuluca mumwadhia. Pabhozi  
na abale ache, Nowa abulusa pinhama  
piansene cunja.



Nowa acadhavesera cacamwe  
cukhala nculu! Iye amanga  
mbuto yacucuza Mulungu,  
ule adhampulumusa,

iye na abale  
achene pacufa na  
cuzala cwacugosua  
cwamazi.



Mulungu  
apasa Nowa  
chikhululupiro  
chiculu. Iye Mulungu  
anabweresave tayu  
cuzala cwamazi cuti  
atonge

madhawo amunthu.  
Mulungu apereca  
cunherezeresa cuculu  
pachikhululupiro  
chache. Ntanda-zuwa  
ucali muoneso  
pachikhululupiro  
cha Mulungu.



Nowa na abale ache  
awona matomero  
matswa pacumala cuzala cwamazi.  
Nacufamba cwa nthawi, zinza  
ya Nowa yatoma cucula  
mbizaza zico yapansi.

Mazinza ansene  
apazico

yapansi abulikira  
pa Nowa na ana ache.



Nowa na cuzala cwacugoswa cwa mazi

Chithancano chafala yaMulungu, Bibilia,

Chisaonecwa mu

Genesis 6-10

"Mapitiro aMafala Anu asapasa chieza."  
Salmu 119:130





CUNKHOMO



Chithancano ichi cha muBuku chisatipanga na pia Mulungu wathu wanculu adhatichita ife, Mulungu Ule anafuna cuti iwe umuziwe.

Mulungu asapiziwa cuti ife tachita pinthu piacuipa, pire pinachemera Iye picadho. Mbairo wapicadho ndi cufa, mbwenhe Mulungu asacufuna piculupiene, Iye atuma Mwana Wache mbhoziene basi, Yesu, cuti afe paNtanda, mbaoneswa nhatwa nathangwi yapicadho piaco. Bhuca pepo Yesu akhala pina maso mbabwerera cunhumba Cuzulu! Iwe ucantawira Yesu mbumpidhiri cuti aculekerere piacuipa piaco, Iye anapichita! Iye anabwera mbakhala muncati mwa iwe chinchino pano, pina, iwe unazakhala na Iye cwenda-na-cwenda.

Khala iwe wapitawira cuti ipi ndipiodhi, longa tenepa cuna Mulungu: Yesu wacufunica, ndatawira cuti Iwe ndiwe Mulungu, mwachitica munthu cuti mufera piacuipa pianga, chinchino imwe muli maso pina. Ndapota, bwerani, mupite muntima mwanga, ndilekerereni madhawo anga, cuti ndikhale na upenuh utswa chinchino pano, pina, nsicu ubhozi ndizakhale na Imwe cwenda na cwenda. Ndiphezeni cuti ndicuvereni pina ndikhale Wanu ninga mwana Wanu. Amen.

Werenga Buku, longa na Mulungu nsicu zansene! Juwau; 3:16

